

650557

COMMENTARIUM VII.

DE


MINISTR. FORTVNAE AVGVSTAE

RAYMVNDI GVARINI.



NEAPOLI ,
Apud RAPHAELEM MIRANDA

1830.



PRAELOQVIVM.

Quod olim *Ministros Augusti* denuntiavimus alios extitisse a *Ministris Fortunae Augustae*, illosque his tempore praeivisse tantisper ; quod Pompeis templum stetisse, coniecimus, *Fortunae Augustae*, cui qui ministrabant, *Ministri* dicebantur *Fortunae Augustae* ; haec demum universa nuperae Pompeiorum effossiones ita confirmarunt, non sine Fastorum Consularium insigni emolumento, ut nullus iam de his ambigendi locus supersit. Et ne in re tanta lectoris cupiditatem sine causa moremur, marmora ipsa recens eruta Pompeis protinus in medium afferemus, quae de singulis testimonium dicant luculentissimum.

*

*De Aedis Fortunae Augustae Pompeiorum
auctore, et anno,*

In causa hac dicenda primus sine controversia, invidiaque locus tribuendus non vo-
huic marmorì Pompeiano, quod tale est:

I.

M. TVLLIVS. M. F. D. V. I. D. TER.
QVINQ. AVGV. TRIB. MIL. *
A. POP. AEDEM. FORTVNAE. AVGV-
STAE. SOLO. ET PEQ. SVA *

Lapis prostabat olim ad vestibulum ipsum
Aedis Fortunae Augustae, quae deinceps
postrema vox tribus unis literis prioribus
AVG. in caeteris Pompeiorum titulis conspi-
cua se dabit. Templi molem si spectes, ea
satis modica; si formam, haud modicae ele-
gantiae, quantum ex vestigiis adhuc super-
stitibus colligere datum. Viae publicae immi-
net, cminetque, nec nisi per gradus plures

ad illam ascensus est ad partem vestibuli utramque, quos et ferreis quondam chlatriis fuisse septos, evidens adhuc est.

Solo, et pecunia sua. Idest aedem non tantum impendia sua, sed et in *solo suo* a fundamentis excitavit, absolvitque M. Tullius, quod idem est, ac si dicas: a *fundamentis* in *solo* suo et excitavit, et perfecit. Potest quippe in *solo non* suo excitari aliquid *pecunia sua*. A *solo* deinde, sive a fundamentis excitare aliquid, non idem sonat, ac a *solo*, sive a *fundamentis* restituere. Illud opus insinuat *novum* ex integro: hoc opus collapsum a fundamentis ipsis restituere, quod nisi *collapsum* ante sit, *restitutum* quidem aptissime dixeris: si a *fundamentis* addas, contra usitatam formulae acceptionem dixeris.

Notum eruditis, Tullios Cicerones Pompeianis multis de causis coniunctissimos, et praedia habuisse Pompeis, et a municipalibus praeterea honoribus minime abhorruisse. Quintum etiam Tullium, Q. filium, duplici in titulo Pompeiano supra offendimus, qui D. V. I. D. Pompeis processit, huiusque facile ne-

pos extiterit Marcus hic , M. F. Tullius , idemque conditor Aedis Fortunae Augustae. Verum quo minus haec de Tullii Ciceronibus accipiamus , obstat in primis *Ciceronum* cognominis perpetua omissio. Sed quicumque demum Pompeiani hi Tullii fuerint , primores profecto inter Pompeiorum caput extulit Marcus hic noster , qui Duumvirali dignitate tertium , Auguratu , Quinquennalitate , et Tribunatu militum a populo tam pulcre se commendat ; quamquam haec parum ad nos pro re proposita. Illud attinet propius , ex quo Urbis conditae anno excitari Pompeis Aedem hanc Fortunae Augustae contigerit.

Octavius anno V. C. 727. eodemque septimo supra vicesimum ante Dionysianam aeram , post Antonium debellatum , auctore Munatio Planco , de Senatus sententia , *Augusti* nomine auctus est. *Ministri* idcirco , sive *Augusti* , sive *Fortunae Augustae* , praerire anno huic nulla ratione possunt , quem consequantur omnino , necesse est. *Ministri* obviam se dant an. V. C. 752. , altero ante aeram Dionysianam. Hoc igitur anno ad minus institutos eos fuisse , oportet. Alia for-

7

tasse marmora , quae delitescunt adhuc , docebunt , ante institutos : at nunc , quod est , eo uti decet. De *Ministorum Fortunae Augustae* prima institutione docet marmor hoc Pompeianum alterum :

2.

AGATHEMERVS. VETTI
 SVAVIS. CAESIAE. PRIMAE
 POTHVS. NVMITORI
 ANTEROS. LACVTVLAN
 MINIST. PRIMI. FORTVN. AVG. IVSSV
 M. STAI. RVFI. CN. MELISSAEI. APRI.
 D. V. I. D
 V.C 756. P. SILIO. L. VOLVSIO. SATVRN. A.V.3.
 COS

Marmor longitudine non excedit palmum cum triente ; in latum aequale palmo uni cum sextante. *Ministri* quatuor. iiique *serui* omnes. Gens *Lacutulania* nunc primum de tenebris in lucem prodit. Titulum hunc priori supparem aliquantisper credimus ; nam et tempus aliquod pro Aedis conditu praecessisse ,

necesse omnino fuit , et conditam , ornatamque haud credibilè est diu suis caruisse *Ministris*. Nec male suas inierit rationes , qui intervallum hocce intra biennium concluderit. *Ministros* idcirco *primos* nuncupatos arbitror , quod ab Aede posita primi omnium processerint. Nam si *τῶ primi* ad dignitatis , non temporis ordinem , esset referendum , iam emersissent alicunde *Ministri secundi* , quod factum nunquam incurrimus. Quin posthac hi iidem *Ministri* perpetuo *Ministri Fortunae Augustae* consalutabuntur sine *τῶ primi* additamento. Verum haec leviora. Graviora sine dubio , quae sequuntur , nodosque praebent vindice dignos.

P. *Silio* , L. *Volusio Saturnino Cos.* Nihil P. huic *Silio* cum *Silio* illo *Nerva* , quem *Consulem Fastographi* referunt cum M. *Appuleio* ad an. V. C. 734. Nihil iterum commune L. *Volusio Saturnino* cum Cn. *Sentio Saturnino* , anni proxime insequentis consule , cui *Fastorum Curatores* collegam addunt Q. *Lucretium Vespillonem*. Biga nostra consularis marmoris *Pompeiani* ad annum V. C. 756. omnino reiicienda , eundemque

undecimum ante Augusti obitum , eaque ip-
sissima est , quae in Gabiorum legitur frag-
mento a Marinio (a) , viro summo , allato ,
quodque in mentem nobis revocasse Burghe-
sium nostrum , ingenue libentissimeque fate-
mur. Praestat illud in medium proferre, quod
non iniucundum lectoribus futurum confi-
dimus :

. L. ALFENIVS
. . . IVL. P. LENTVLVS. P. . QVI
. . . DECESSIT. XIII. KAL. OCT
M. SERVILIVS L. LAMIA
. . SVF. K. IVL. P. SILIVS. L. VOLV. . E
SEX. AELIVS. C. SENTIVS
SVF. K. IVL. C. CLODIVS. CN. ST. . .
C. CAESAR. DECESSIT. VIII. K. M . .
CN. CINNA
SVF. KAL. IVL
M. LEPIDVS

(a) Fr. Arv, pag. 24.

Suffectis itaque Consulibus ex Kalendis Juliis an. 756. ad censendos P. Silium, et L. Volusium, discimus a Gabino fragmento: sed *Saturnini* cognomen L. Silio inditum, marmori pompeiano debemus:

alterius sic

Altera poscit opem res, et coniurat amice.

Rursus, quod e recitato fragmento constet, P. Silium cum Volusio suffectos fuisse ex Kal. Juliis, monemur apertissime, Ministros Fortunae Augustae aliquanto post Kalendas Julias fuisse primum Pompeis institutos. Quadriennio ergo, quantum hactenus e marmoribus eruitur, Ministri Augusti praeceunt Ministris Fortunae Augusti. Sed in scopulum incidimus, quem, qua via evadam, certo non video. In Comment. priore §. III. n. I. pro anno 756. aeraeque vulg. 3. Consulibus M. Servilio, et L. Aelio Lamia, D. V. I. D. fuere P. Numistrius Fronto, et Q. Cotrius. Quis factum ergo, ut hoc eodem anno, si marmori huic fides habenda, non iidem *Viri* cientur, sed eo-

rum loco , M. Staius Rufus , et Cn. Melissaeus Aper ? An et Pompeianis IIviris Numistrio , et Cotrio ita suffecti Staius Rufus , et Melissaeus Aper , ut Romae Consulibus Servilio , et Lanniae suffecti ad Kal. Julias Silius , et Volusius ? Haec una mihi evadendi via datur. Idque ex eo fit veri similis , quod anno insequente confirmatos in Duoviratu Rufum , et Aprum supra deprehendimus.

In hiatum post haec impingimus , utinam beneficio temporis vel ex parte implendum ! annorum plusquam triginta. Post annum siquidem 756. vix lapides duos Ministrorum Fortunae Augustae offendimus ad annum 787. V. C. referendos , sed mutilos ambos , parte inferna alium , alium superna. Ex quo initum consilium alterum ex altero mutua ope restituendi. Quod an ex auspicato processerit , eruditorum esto iudicium.

GRATVS. ARR. L
MESSIVS. ARRIVS
INVENTVS
MEMOR. ISTACID

Min. ForT. AVG. MERC. MALae

D. D. IVSSV

M, Vesonii. mARCELL

D. V. I. D

M. Lucreti. Epidi. Flacci. Praef.

Caesaris

D. Lucreti. Valentis. L. Albuci. Celsi

IIvir. V. A. S. P. P.

V.C. 787. *Paullo. L. Vitellio. Cos* A.V. 34.

Lapis alter parte superiori decurtatus talis est :

Gratus. Arr. L
Messius. Arrius
Inventus
Memor., Istacid

Min. Fort. Aug. Merc. Maiae

D. D. iussu

M. Vesoni. Marcelli

D. V. I. D

M. LVCRETI. Epid. Flacci. Praef

CAESARIS

L. ALBVCI. CELSI D. LVCRETI. VALENTIS

II VIR. V. A. S. P. P

V. C. 787. PAVLLO. L. VITELLIO. COS. A.V. 34.

Ex parietinis Pompeiorum titulis duo
prodeunt Lucretii Valentes sub uno Decimi
praenomine, quorum Pater alter, alter filius.
De Patre sic :

SATRIO. LVCRETIO. VALENTI. MVNIFICO

IV. SIBI. LIBERIS. FELICITER. PRO. VALENTE. EX. ROG

in quo notam numeralem IV ad το' *munifico*
refero, ad insinuandum, munera ab eo pro
quarta vice Pompeis edita fuisse. De filio hu-
ius haec :

VALENTIS. FLAMINIS. NERONIS. AVG. F. PERPETVI
D. LVCRETI. VALENTIS. FILI

P. COLONIA

V. K. APRIL. VENATIO ET VELA ERVNT

Nero autem hic intelligitur Tiberius, Augusti ex adoptione filius. Decimum vero Lucretium tituli utriusque de Ministris Fortunae Augustae, non filium, sed patrem fuisse, arbitror.

§. II.

De Ministris eisdem ab V. C. 797. ad annum usque 814.

De Ministris *Fortunae Augustae* iustitium iterum integri decennii. Nihil enim, quod eos attingat, medium se dat memoratum inter annum 787. de quo supra, et 797. de quo nunc dicendum. Id autem inde contigisse opinor, quod mortuo Tiberio, Augusti cultus paullatim deferbuit. Marmor interim anni huius nota consignatum tale quaquaversum est, ut iustitij danina non sine usura

rependere videatur. Adsurgit in longum per uncias sexdecim , cum latitie aequetur unciiis viginti tribus , estque huiusmodi.

1.

V.C. 797. TAVRO. STATILIO A. V.44.

.. TI. PLATILIO. AELIANO. COS

L. STATIVS. FAVSTVS. PRO
SIGNO. QVOD. E. LEGE. FORTVNAE
AVGVSTAE. MINISTRORVM. PONERE
DEBEBAT. REFERENTE. Q. POMPEIO.
AMETHYSIO

QVAESTORE. BASIS. DVAS. MARMORIAS.
DECREVERVNT
PRO. SIGNO. PONIRET

Basis pro *bases* , aut *baseis* , more archaico , ut *marmorias* , et *poniret* pro *marmoreas* , et *poneret*. L. ergo Statius Faustus SIGNVM voverat , quod e lege *Ministorum Fortunae Augustae* ad aedem. *Fortunae ipsius* ponere debebat. *Votum* interea hoc , referente Q. Pompeio Amethysio , Quaestore , utique Pompeieno , *commutatum* vides , ut

Theologorum formulis utamur, in *Bases duas marmoreas e lege Ministrorum Fortunae Augustae*. Non itaque vilis adeo, spernendaque, quod nonnullis animo insederat, ministrorum conditio in universum, quos *pro ministerio*, et *ferendi leges*, et *vota commutandi* potestate pollentes videmus, ut quæstio omnis abhinc hac in re vel contumacissimis plusquam profligata videri debeat. Nunc de Tiberii Platilii Aeliani consulatu paullo operosius inquirendum. Qua in quaestione enodanda de Tauro Statilio, qui in marmore Platilio præfulget, ante videndum, quandoquidem multi eiusdem nominis Consules occurrunt in Fastis.

Obviat ante caeteros T. Statilius Taurus e Suffectorum catalogo anni 717. Pone sequitur T. Statilius Taurus, Augusto ipsi Collega datus ad an. 728. Ad annum deinde 764! prosilit in medium Consul ordinarius T. Statilius Taurus, qui idem fortasse, ac Statilius Taurus Siscuna, Consul item, iterumque anni 769. Sed et occurrit T. alius Statilius Taurus. Consul ordinarius anni 797, aliusque demum anni proxime insecuti 798;

cui *Corvini* additum cognomen. Nec ad nomen quod pertinet Consulis prioris monummenti Pompeiani, aliud praeterea adnotandum se dat e Fastis Consularibus.

Verum enimvero cum Ministros Fortunae Augustae non ante annum V. C. 756. institui Pompeis contigerit, ut loco suo ostendimus, in aperto est, Statilios omnes, qui aetati huic anteiverint, arcendos esse a lapide nostro pompeiano, in quo Ministrorum Fortunae Augustae tam splendida recurrit recordatio. Res igitur ad Statilios redit temporum insecutorum Consules, annorum puta V. C. 764. 769. 797. et 798. Id vero constare nullo pacto potest, nisi ante de *Ti. Platilii Aeliani* consulatu constiterit.

Platilii nomen hactenus inauditum. Putat idcirco Burghesius noster, *Platilius* in *Plautium* fore recudendum, cui cum *Aeliani* cognomine ex adoptione *Tiberii* quoque adhaesit praenomen. Et quod *Plautius* hic *Aelianus*, *Claudii* Legatus, eundem Romae triumphaturum secutus sit, facile ex eo merito, ut Burghesius idem recte coniicit, consulatus

illi obtigit. Quae de Plautio habet Tacitus (a), iuvat hic obiter adtexere : *Et Pomponia Graecina insignis femina ,^o Plautio , qui ovans se de Britannia retulit , nupta , ac superstitionis externae rea , mariti iudicio permissa. Isque prisco instituto , propinquis coram , de capite , funaque coniugis cognovit , et insontem nuntiavit.* Fidem interea Burghesianae coniecturae astruit certissimam Marmor Gruterianum, quo de primo hoc Plautii consulatu sub Claudio docemur apertissime , itemque de altero cum Praefectura Urbis sub Vespasiano Imperatore. Quam Gruteri inscriptionem (b) plane opportunissimam , piaculum esset heic praeterire :

TI. PLAVTIO. M. F. A. nep

SILVANO. AELIANO

PONTIF. SODAL. AVG

III. VIR. A. A. A. F. F. Q. TI. CAESARIS

LEGAT. LEG. V. IN. GERMANIA

PR. VRB. LEGAT. ET. COMITI. CLAVDIA

CAESARIS. IN. BRITANNIA. CONSVLI

(a) Annal. Lib. XIII.

(b) Pag. 454.

PROCOS. ASIAE. LEGAT. PROPRAET. MOESIAE
 IN. QVA. PLVRA. QVAM. CENTVM. MILL.
 EX. NVMERO. TRANSDANVVIANOR
 AD. PRAESTANDA. TRIBVTA. CVM. CONIVG
 AC. LIBERIS. ET. PRINCIPIB. AVT. REGIBVS. SVIS
 TRANSDVXIT. MOTVM. ORIENTEM. SARMATAR
 COMPRESSIT. QVAMVIS. PARTE. MAGNA. EXERCITVS
 AD. EXPEDITIONEM. IN. ARMENIAM. MISISSET
 IGNOTOS. ANTE. AVT. INFENSOS. P. R. REGES. SIGNA
 RÔMÂNA. ADORATVROS. IN. RIPAM. QVAM. TVEBATVR
 PERDVXIT. REGIBVS. BASTARNÂRV. ET
 RHOXOLÂNORVM. FILIOS. DACORVM. FRATRVM
 CAPTOS. AVT. HOSTIBVS. EREPTOS. REMISIT. AB
 ALIQVIS. EORVM. OPSIDES. ACCEPIT. PER. QVEM. PACEM
 PROVINCIAE. ET. CONFIRMAVIT. ET. PROTVLIT
 SCYTHARVM. QVOQVE. REGE. ACHERONENSI
 QVAE. EST. VLTRA. BÔRVSTHENEN. OPSIDIONE. SVMMOT
 PRIMVS. EX. EÂ. PROVINCIA. MAGNÔ. TRITICI. MODO
 ANNONAM. P. R. ADLEVAVIT. HVNC. LEGATVM
 IN. HISPANIAM. AD. PRAEFECTVR. VRBIS. REMISSVM
 SENATVS. IN. PRAEFECTVR. TRIUMPHALIBVS
 ORNAMENTIS. HONORAVIT. AVCTORE. IMP
 CAESARE. AVGVSTO. VESPASIANO. VERBIS. EX
 ORATIONE. EIVS. Q. I. S. S
 MOESIAE. ITA. PRAEFVIT. VT. NON. BEBVERIT. IN
 ME. DIFFERRI. HONOR. TRIUMPHALIVM. EIVS
 ORNAMENTORVM. NISI. QVOD. LATIOR. EI
 CONTIGIT. MORA. TITVLVS. PRAEFECTO. VRBIS
 HVNC. IN. EADEM. PRAEFECTVRA. VRBIS. IMP. CAESAR
 AVG. VESPASIANVS. ITERVM. COS. FECIT

Elogium sane magnificum, in quo praeter apicum signa syllabis fere longis adposita, notanda obiter est vox *differri* pro *transferri*, vel *deferri*, et το' ἀρχαίων aliquis pro *aliqueis*, seu *aliquibus*. Nunc ad rem quod attinet, Plautius Aelianus, qui et Silvanus, pro vice prima Consul processit sub Claudio Imperatore, cui Legatus, Comesque in Britannia fuerat. Altero vero Consulatu eum decoravit ob res egregie gestas Vespasianus Imperator, quo tempore Plautius ipse Praefectum Urbis agebat. Atque haec praeclare quidem omnia, et ad fidem historicam apprime consentanea, de Tiberio Plautio Aeliano. Sed enimvero in Pompeiano titulo *Platilius* cietur, non *Plautius*, nec de fide marmoris dubitandum, quod iterato exscribendum curavimus. *Platilium* autem pro *Plautio*, sculptoris incogitantia positum, in titulo publico vix credibile videtur. Nam si quid in his peccatum a quadratariis aliquando, ecquem latere unquam potest, quae fuerit in corrigendo sedulitas? Marinus, qui haec minutissime prosequitur, qui praestantium virorum in talibus tractandis mos est, docebit, si quid in scalpendo excidisset, no-

tatum superne interdum , interdum inferne ,
 haud raro ad marginem , in fine saepiuscule ,
 quandoque et in medio ipso titulo , versuum
 ordine interturbato , quorum nil tale in tabula
 pompeiana cernere est. *Platilius* ergo reti-
 nendum censemus , nec de nomine novo , aut
 re nova nomini subiecta , verendum. De *Plautio*
 quippe , praecipue si de Aelio *Plautius* factus
 per adoptionem , facile in vulgus *Plautilius*
 primum , deinde *Platilius* , contrahendi li-
 bertate ampliata , prodiit. Nam prodigii fere
 loco esset , *Platilius* hunc nostrum alium
 extitisse a *Plautio* , in quorum utrumque *Ti-*
berii praenomen cum *Aeliani* cognomine ,
 amice per fraudem conspirarit.

Haec si ita sint , ut esse videntur , de
Aeliani consulatus aetate pro marmore Pom-
 peiano primum erit decernere. In hoc siqui-
 dem *Consul* , non *iterum* Consul dicitur. Ergo
 de primo , non altero eius consulatu , res est.
 Praefulget autem ei collega *Statilius Taurus* ,
 qui Consul processit ad an. V. C. 797. Ad
 hunc igitur annum *Statilii* consulatus est re-
 ferendus ; nam si de *Statilio Tauro* Consule
 anni insequentis 798. ageretur , huic *Corvini*

cognomen additum, oportuerat, quod in lapide pompeiano plane omissum. Quod igitur Almeloveenius Ti. hunc Plautium Aelianum inter *Suffectos* adnumerat ex Kal. Martiis anni 800; parum belle processisse videtur; et Aeliani prior consulatus retro trahendus videtur ad an. supra memoratum 797. Recte ex adverso referas ad an. 798; quod sequitur:

2.

MARTIALIS. C. OLLI. PRIMI
M/ SALARIUS CROCVS
 PRIMIGENIVS. C. OLLI. PRIMI
 MIN. FORTVNAE. AVG
 IVSSV

Q. POSTVMI. MODESTI. C. VIBI. SECVNDI
 D. V. I. D.

C. MEMMI. IVNIANI. Q. BRVTTI. BALBI.
 AEDII

m. clVVIO. P. CLODIO. COS
 V. C. 798. A. V. 45.

Ministri numero tres. Locus primus *Martiali*, Servo *C. Olli Primi*, tertius *Primigenio*

assignatus ejusdem *C. Olli Primi*, quos inter medius stat homo trinomius, *Man. Salarius Crocus*. Non tantum igitur a ministeriis non arcendi liberi homines, sed nihil insuper servis a servitute praeiudicium, quo minus etiam adversus liberos locum suum pro dignitate tuerentur, si hi, libertate excepta, nihil prae se maius in ministerio tulissent. Nec observare ἐν παροδῷ pigeat, de Gente Ollia extitisse Poppaeam Neronis. Q. Postumius Modestus D. V. I. D. idem fortasse, ac Quinquennalis iste parietinus Pompeianus :

POSTVMVM

MODESTVM. QVINQ. O. V. F.

De Cluvii Consulatu longe gravior, periculique plena disquisitio. De Antonio, cum adhuc in Armenia esset, haec habet Dio Cassius (a) : *consulatum simul et dedit Cluvio, quem secum habebat, et ademit. Quo fortasse*

(a) Lib. XLIX. Cap. 4.

Dionis testimonio inducti Lydiatus, et Patina, quos allegat Almeloveenius, C. Cluvium cum C. Furnio inter Consules *suffectos* enumerat ex Kal. Novembris anni 725. Sed Cluvio consulatus ab Antonio fuerat reservatus ad an. 721. quod praestare deinde non potuit, non ad annum 725. Ad haec: tametsi Cluvio consulatus obtigisset an. 725; sed seiungendus tamen ab eo foret Furnius, de quo nihil Dio loco paullo ante memorato. Verius cum Collega mei amantissimo Burghesio statuendum, C. hunc Cluvium, etsi Consulem olim designatum, consulatum tamen numquam revera degustasse, cum de eo sic Diocassius alio loco (a): *Augustus Censor cum Collega Agrippa . . . in numerum Consularium duos ex Patribus retulit, C. Cluvium, et C. Furnium, quod Consules designati eum Magistratum ab aliis praeventi gerere non potuissent.* Fac enim, Cluvium reipsa ante id temporis Consulem procesisse: iam igitur iure *Consularis* erat. Quid igitur opus Augusto,

(a) Lib. XLI. cap. 42.

ut ad annum 725. illum inter Consulares recenseret? Sic fere, et quidem Apolline dextro, Burghesius noster.

Caeterum ad nos quod attinet, fuerit, necne, revera Consul Cluvius iste, nihil omnino, si nomen excipias, illi commune cum Cluvio marmoris Pompeiani. In hoc siquidem res est cum *Ministris Fortunae Augustae*, quos institutos primitus fuisse ad annum V. C. 756. iam supra luculenter ostensum est. Rectius igitur Cluvium hunc Consulem tituli Pompeiani non *Caium* illum acceperis, de quo hactenus, sed *Marcum* potius cognomento *Rufum*, qui ad annum V. C. 798., aeraeque Christianae 45. Vinicio Quartino II. Kal. Iulii *suffectus* est. Quae si ita sint, delendus ex Almeloveenii *Fastis Pompeius Silvanus* male M. Cluvio adsutus, in eiusque locum collocandus P. Clodius. Et de P. quodam Clodio haec Tacitus (a) sub illorum persona, qui pro Oratorum stipendio tempestate Tiberiana contra Legem Cinciam

(a) Lib. IX. Cap. 7.

depugnabant : *prompta sibi exempla , quantis mercedibus P. Clodius , aut C. Curius concionari soliti sint.* Anne hic Consul tituli Pompeiani ? temporum equidem rationes coniecturae huic nunime incommodant. Et P. hunc Clodium Publii illius filium facile crediderims , pro quo ab exilio revocando extat epistola M. Antonii plane πολιτικότερα ad Ciceronem , cui P. Clodius se infensissimum prae buerat (a).

De Q. Postumio Modesto D. V. I. D. dubitandi locus est , an ille sit , qui Postumus Modestus Quinquennalis dicitur in parietina Pompeiana pictura , quae sic habet :

POSTVMVM

MODÉSTVM. QVINQ. OVF

(a) Lib. XIV. Epist. 14.

3.

L. NVMISIVS. PRIMVS
 L. NVMISIVS. OPTATIVS
 L. MELISSAEVS. PLOCAMVS
 MINISTR. FORTVN. AVG
 EX. D. D. IVSSV
 L. IVLI. PONTICI P. GÁVI. PÁSTÓRIS
 D. V. I. D
 Q. POPPAEI. C. VIBI. AEDIL
 V.G. 814. Q. FVTIO. Q. CALVISIO. COS. A. V. 61.

Hic finis titulorum , qui Ministros Pompeis attinebant tum *Augusti* , tum *Fortunae Augustae* , ex quorum vel unis fragmentis superstitibus lectori patet , quanta olim , et quam ampla generis utriusque seges extiterit , cuius partem aliquam latere adhuc rudera inter merito speret , maximam frustra desideret ; mirarique proinde desinat ingentem offendere hiatum , in quem saepe numero impingere invitos contigit. Pauca nunc , ea-que non parvi momenti , pro titulo hoc omnium postremo exornando.

Notandi apices vocibus quibusdam ad-

picti. P. Calvisium Rusonem, Consulem Suffectum habent Fasti ad an. 814. V. C. Aerae nostrae 61: de Collega silent, quem nunc primum discere datur Q. Futium.

C. Vibius Aedilis alius censendus a D. V. I. D. marmoris proxime antecedentis C. Vibio Secundo, cui haud credibile, Aedilitatem attributam post Duumviratum. Aediles praeterea hi destituuntur consuetis siglis D. V. V. A. S. P. P; quod nimirum de re agebatur, *sacra* illa quidem, sed non *votiva*, pro qua una erant instituti D. V. V. A. S. P. P

Nec praetereundum denique fragmentum aliud *Ministrorum Fortunae Augustae*.

4.

.
.

Min. FoRTVNae. Augustae

III. PR

M. EpIDI. M

Quod conferas, licet, cum his, quae supra de *M. Epidio Flacco* saepius dicta.

IN MVTILVM STABIIARVM

Marmor

SCHOLION I.

Et hactenus quidem Pompeiorum nos *Sacra* tenuere, quibus in curandis doctrinam plerique nostram, fortunamque desiderabunt, operam, industriamque nemo. Cum ecce viae fessis marmor aliud ad metam veluti itineris de *sacrorum* item genere tractandum occurrit, non Pompeiorum illud quidem, sed Stabiarum, cognatae olim Pompeiorum civitatis. Quod a V. C. Carolo Rosinio iam diu restitutum, ulteriori adhuc videtur tractatione egere, utinam minus improspere! Praestat, illud in primis, ὡς κεῖται, lectoris oculis subiicere.

D. D

... AESIVS. DAPHNVS

.... TAL. NVCKERIAE. ET

.... AEDEM. GENIS. STABIIAR

.... S. MARMORI. . EXATA

.... DE. RESTITVIT

Restituendum provide curavit vir laudatissimus sic (a) :

Decr. Decur.
M. Caesius. Daphnus
Duo. Bidental. Nuceriae. et
Vetustam. aedem. Geniis. Stabiarum
Labantibus. marmoribus. vexatam
Provide. restituit

In *vetustam* illam *aedem* lin. 4. ignoscendum homini novo, si nullis adduci delinimentis queat, ut vel ad modicum temporis declinet. Ruinam quippe fundamentis omnibus penitus destituta qua qua vorsum minuitur. De vocum restitutione ad lin. 5, et 6. nil moror. Quamquam enim *dilapsis*, prae *labantibus*, ad rei lapidariae τῶν ἀρτιβειῶν quadrare magis videatur; et quod de Aede Geniorum restituenda decreto Decurionum agatur, *splendide*, quam *provide*, ardeat magis: ad rem tamen ipsam quod

(a) Diss. Isag. P. I. Cap. XII. p. 89.

attinet, horum utrumvis optes pro arbitrio, periinde erit. Verum quod lineae 3 per *Duo. Bidental*, facta medicina sit, vereor, ne Apolline parum dextro facta videatur.

Inveniant, sic vir summus, *eruditi vocem aliam in TAL desinentem*, quae vacuum illud implere queat, et aedificiorum, *ichnographiae respondeat*. Prudenter addita verba haec posteriora, quae rem traherent ad aedificiorum genus. Ecquem enim lateat *αρχαίων τὸ Kapital*, et alia pluscula desinentia in TAL de penitioris antiquitate petenda? Sed propositum viro erat, Mazochio viam praemonstrante, ostendere, τῷ *bidentali*, praeter vulgatam acceptionem, aliam subesse notionem, quae ad *aedificii* genus quoddam referatur, ipsumque vocabulum *Bidental* de Marmore Stabiano posse extundi. At nil opus Marmori Stabiano *Bidentali* hocce in *aedificii* cuiusvis potestatem accepto. Ambage namque omni semota, TAL Stabiani tituli non vocis integrae desinentia est, sed decurtatae indicium manifestarium. Si enim *Bidental* fuerit numeri, ut aiunt, singularis, cequo sequestre conciliabuntur haec:

Duo Bidental? essent *bidentalia* duo, vox-
que adeo *Bidental.* decurtata sine dubio. At
si τὸ TAL. decurtatae vocis indicium est,
eccur, non aut *Capitalis*, aut *Augustalis*
reddenda? redde *Augustalis*, sic enim extor-
quet, non suadet tantum, titulo proposita
res. Marmorī itaque omni haec facienda me-
dicina videtur, de qua posthac titulorum
mutilatorum curatores chirurgici iudicent:

Decr. Decur.

M. Caesius. Daphnus
Augustalis. Nuceriae. et
Stabiar. aedem. Geniis. Stabiar
Dilapsis. marmorib. vexatam
Splendide. restituit

Nec turbare tirones debet *Augustalis Nu-*
ceriae, et *Stabiarum*. Oliverius (a) *Abeie-*
nam Balbillam memorat *Pisauri*, et *Arimi-*
ni Flaminicam. Et Gruterus (b) *Cantiam*,

(a) *Marm. Pisaur. n. XVVIII. p. 12.*

(b) *Pag. 312. n. 2.*

Saturninam , Arimini , et For. Sempronii Sacerdotem. Quae si parum fortasse potentia ad rem conficiendam videantur, afferentur de Museo Borbonico tum *Antonius Trofimus Puteolorum,* et *Neapolis Augustalis,* tum *Publius Bathyllus , Augustalis Puteolis, et Venafr.*

Naevum hunc egregio veluti deprensum in corpore detergendum curavimus utcumque a viro erudito , quod factum , observantiae , non fraudis ergo , aequi bonique faciat, peni-
xe rogamus. Ita quippe natura hominibus provisum , ut non omnia possimus omnes ; et opere in magno praeterea

quandoque bonus dormitat Homerus.

SCHOLION II.

Delenda , addendave Commentariis adhuc editis.

In nosmet nunc faba recuditur , quandoquidem veritati uni litare , propositum nobis est. Haec igitur partim addenda, partim delenda de Commentariis adhuc editis.

Pag. 135. adde ad finem v. 19. — Sed cum *prufe* sit *probe*, veri similis est, *prufio* dictum pro *prubio*, quod vertere possis *probo*.

Pag. 145. ad vocem *Etanio* haec adde — Sed cum ibi de *multa pecuniaria sermo* sit, non improbable videtur, vocem hanc τῷ *septem* latinorum respondere.

Pag. 147. v. 2. perge sic — Sed *Exdicum* nunc accipe eum, qui in Graecorum Municipiis vice Tribuni plebis fungebatur, in quam rem insignis Tullii locus Ep. 56. Lib. XIII: *se curaturum, ut Exdici Milesii Romam mitterentur*: —

Pag. 161. v. 5. — Probabile, vocem in duo esse resolvendam. *ποτα*, et *ποτε*, quae dorici peculii sunt.

Pag. 163. v. ult. — *Prume* pro *primo* rectius interpreteris, et *prumedicatud* solve in *prume*, et *dicatud*.

Pag. 166. v. 18. — *Intrutum* Plauto est *infaustum*. Itaque *perum dolum mallom intrutum* verte: *per dolum malum, quod absit*:

Pro Comment. VIII.

Pag. 13. titulum sic habe ex *αυτομα* ,
V. CL. Lupuli , Archiep. Comsani :

L. D. D. D

T. FL. T. F. FAB SILVANO. PATR. MVN
EBVR. IIVIR. QQ. QVAEST. ARK. CVR
REL. FRUMENT. HVIC. COLL. DEND
ROPHORR. OB. EXSIMIAM. ERGA
SE. BENIVOLFNTIAM. ET. OPEM. PER
PETVAM. STATVAM. DIGNISSIMO
PATRONO. POSVERVNT. CVIVS. STA
TVAE. HONORE. CONTENTVS. OBT
VLIT. COLL. HS. VIII. M. N. VT. QVODANNIS
NATALI. EIVS. DIE. III. IDVVM. DECEMBER
CON. FREQVENTENT. ET. OB. STATVAE
DEDICATIONEM. CONTVLIT. HS. XXX. N. IIvir
QQ. IIVIR. AEDILIC. SING. ET. LIBE
RIS. BOR. DEC. SING. HS. XX. N. VIRIS. AVGV
TALIB. HS. XII. N. COLL. DENDROPHORR
FAB. SING. HS. MILLE. N. ET. EPVLVM
PLEBEIS. SING. XII. N. ET. VISCERATIONEM

Non una de causa tituli restitutori habendae gratiae. I. Namque ex eo discimus, ad *Eburum* nostrum, nunc *Eboli* in Lucania, titulum pertinere, pluraque adeo eiusdem nominis *Eburensia* extitisse Municipia, quam quae nota hactenus erant. 2. ad vers. 12. recuso in CONTVLIT. quod male ante CON. DEC., tenebrae omnes dispelluntur, quibus olim offundebamur, titulusque sine offensione ulla decurrit. 3. τὸ CON. FREQVENTENT in unam *confrequetandi* vocem esse coagmentandum, ut scite observatum a V. CL., collega meo amicissimo, Clemente Cardinalio. 3. a T. Flavio Silvano, praeter HS. VIII. M. N. Collegio Dendrophorum collata in statuæ dedicationem, conlata etiam fuisse HS. XXX. N. Duumviris Quinquennialibus, Duumviris Aediliciis singulis, et Liberis eorum. Quo loco notandum, in beneficii huius partem vocatos *Quinquennales* tantum, non *Quinquennalicios*, at ex adverso *Aedilicios* omnes, qui nempe *Aedilitate* functi erant, cum liberis eorum. Decurionibus autem singulis HS. XX. N., Sexviris Augustalibus HS. XII. N., Collegio Dendro-


phorum Fabrūm HS. M. N. singulis ; et plebeis demum cum epulo , et viscuratione singulis XII. N. Integratis idcirco rationibus, summa emergit = HS. 83000.

Pleniores ad haec Antistiti gratiae agendae , quod ad Cippi latus legerit :

DEDICATA. IV. KAL. APRIL

M. STLACCIO. AL

BIÑO. C. . . STEIAN

Pag. 44. siglas N. D. S.  sic reddi volumus : *Natione Delmata. Vix. ann. 40.*

Pag. 77. post v. 20. perge sic = Patet hoc ex Tabula Canusina evidentissime. In qua cientur primo Consulium nomina. Post hos Tiviri Quinquennales M. Antonius Priscus , et L. Annius Secundus. Demum post longam Patronorum CC. VV. seriem, recensentur *Allecti* quatuor inter *Quinquennales* , quod profecto *honoris* , non *muneris* nomen est , cum iam ante Quinquennales duo essent memorati.

Pag. 80. ad finem haec addito = *Tribus Sucussana Juniorum* intelligendi sunt ,

qui annum sextum ultra quadragesimum nondum praetergressi fuerant, quique proinde militiae onere adhuc attinebantur. Nam qui cursum hunc aetatis suae emensi erant, hi *Seniores* appellabantur, *Immunesque*, quod militandi debito essent exsoluti. ut statutum antea a Servio Rege fuerat (a).

Pro Comment. IX.

Pag. 26. v. 8. post vocem AKVI. lege — Gens *Acuvia* tandem nobis in Fabrettio (b) occurrit.

Pag. 28. Taedet eorum, quae in tit. 3. Oscum adornandum, explicandumque sunt congesta. Cum enim parieti Pompeiano titulus sit adpictus, de *Opere publico* minime cogitandum, ut conieceramus. Programma potius esse videtur, quod vulgo dicimus *affisso*, munerum celebrandorum, quorum exempla non pauca, videsis in Dissert. Isag., et apud CC. VV. Millinium, atque Avelli-

(a) Vid. Gell. Lib. X. Cap. 28.

(b) Pag. 598. n. 7.

nim. Sic igitur illum habe characteribus
communibus, inversoque verborum ordine,
redditum :

V. II. M. N. IRVVNV. XX.

M. N. IIIEIMNI

III. N. DENDEM

Quae reddiderim sic :

Ven. II. M. Nov. Pugn. XXI

M. Nov. Hae. omnes

IV. Non. dabuntur

Iruuni sive a graecorum τῆς ἐρίδος, si-
ve a latinorum *ira*, repetas, perinde est,
pugnamque expone. Inde gens *Ironia* apud
Gruterum (a):

MAGNA. IRONIA

SIBI. ET

MAGNIO. F

LIB. SVO. ET. LIB

LIBERTABVSQVE

SVIS

(a) Pag. 873. n. 13.

Quo in epigrammate est , quod notes. Si Libertus *Magnius* , *Magnia* , non *Magna* , dicenda Ironia. Singulariam F redde fecit. Sed haec obiter *Heieimni* in duo partior , ut sit *heiei* , et *umni*. Atqui ex *heiei* , aspiratione sublata , fit *eiei* , quod latinis est *ii* , vel aspiratione retenta , *heiei* , idest *hi*. Quod vero litera O carebant osci , *umni* pro *omni* dictum , sublatoque V. per aphaeresin , ut in voce composita , factum MNI , et ex ambobus *heieimni*. Unum hactenus inobservatum nolo pro coronide. Pompeiana inter epigrammata obviant passim latina cum oscis. Quid hoc ? scio , bilingues fuisse Pompeianos. Sed neminem latet , romanos etiam Pompeis fuisse colonos deductos , acresque municipes inter , colonosque quaestiones agitatae. Opera publica , ludosque videas nunc in *Colonorum* , interdum in *Municipum* gratiam , celebrata. Quae ergo *Municipum* erant , osco sermone videntur processisse , quae *Colonorum* , romano.

De agro *Frequentino* , qui pars olim *Aeclanensis* , transmissum ad nos funebre epigramma eiusmodi , quod utrum marmoris ,

an exscriptoris vitio , aut utroque simul, pessime habitum , haud facile dixeris.

SEPPIVS. SECVI. . . .

CR. . IA. P. F. POLLA

SEPPIA . NEPOSILLA. .

QVOD. DECVR. FAORE. FILIA

PARENTI. VS. . . RST. PARENTIS

SV. EI. FILIA. P

Sic restituendum videtur :

SEPPIVS. SECVNDVS

CRATIA. P. F. POLLA

SEPPIAE. NEPOTILLAE

QVOD. DECVR. FAVORE. FILIA

PARENTIBVS. SVPERSTES. PARENTES

SVPERSTITES. FILIAE. P

De *Cratia* nullum vadimonium facio , quae potuit esse *Crania* , *Crinia* , *Cronia* , et aliud quidpiam. Epigramma sane sapidissimum. *Seppio* adhuc viventi locus sepulturae videtur concessus *Decurionum favore*. Quo beneficio ille *superstes* cum uxore sua utitur pro *Filia* , quam frustra sibi *superstitem* optaverat.

C O N C L U S I O.

Rogabit nunc quis fortasse; non enim desunt orbis literati Momi, qui malo reip. nostrae literariae consilio, famam sibi per contemptum alienum in diariis publicis aucupari student: *eccui bono* haec tanto labore, studioque conquisita? Cui paucis. Nulli, si de pecuniae, censusve accessione sermo sit. Nec enim literarum professionem mercaturam aliquando duximus. At veterum monumenta generis cuiuscunque recte interpretari, opportuneque exponere, magni fecere semper veri nominis sapientes. Veros autem sapientes intelligimus, non qui librorum edocti titulos in ipsorum indicibus corradendis toti sunt; in obviis, doctorumque vulgo notis, doctissimi, vulgarique eruditione necantes; in paullo abstrusioribus, novitatem praecipue aliquam prae se ferentibus, superciliosi, et veluti a Bonae Deae sacris caventes, spuris, fictitiisque proni adiudicare: sed qui antiquorum exemplaribus insudare diu noctuque adsueti, verum a falso, dubium a certo secernere, lucem obscuris inferre, novum